

---

Cynllun Grantiau Cymru ac Affrica Llywodraeth Cymru



Welsh Government's Wales and Africa Grant Scheme

---

# Canllawiau ar Gynllun Grantiau Cymru ac Affrica

**Cysylltu Cymru ac Affrica er mwyn galluogi gweithredu cymunedol a fydd yn cyfrannu at Nodau Datblygu Cynaliadwy'r Cenhedloedd Unedig**

Mae'r canllawiau hyn wedi'u dylunio i helpu ymgeiswyr i ddeall mwy am grant Cymru ac Affrica; gan gynnwys – pwy sy'n gallu gwneud cais am gyllid, pa brosiectau sy'n gallu cael eu cyllido a'r hyn sydd ei angen gan ymgeiswyr.

Mae canllawiau penodol wedi'u nodi ar bwys y cwestiynau o fewn y ffurflen gais.

## CYNLLUN GRANTIAU CYMRU AC AFFRICA 2024

Mae cynllun grantiau Cymru ac Affrica yn fenter flaenllaw gan raglen Cymru ac Affrica Llywodraeth Cymru. Mae'r cynllun yn galluogi grwpiau cymunedol a mudiadau yng Nghymru i gael gafael ar gyllid ar gyfer prosiectau bach sy'n cyfrannu at waith Cymru o gyflawni Nodau Datblygu Cynaliadwy'r Cenhedloedd Unedig a chyflwyno buddion i Gymru ac Affrica.

Mae rhaglen Cymru ac Affrica yn cefnogi ac annog cymdeithas sifil, busnesau a chyrff cyhoeddus yng Nghymru i weithredu ar dlodi yn Affrica drwy ddinasyddiaeth fyd-eang weithredol, cyfnewid sgiliau a dysgu o'i gilydd, gweithio mewn partneriaeth a gweithredu ar y newid yn yr hinsawdd.

Mae cynllun grantiau Cymru ac Affrica yn gronfa grantiau ar gyfer grwpiau cymunedol a mudiadau ledled Cymru sy'n gweithio mewn partneriaethau yn Affrica Is-Sahara.

Gall ymgeiswyr wneud cais am rhwng **£1,000-£20,000 o gyllid am brosiect 12 mis**. Os hoffech drafod prosiect y tu allan i gwmpas y cyllid hwn, cysylltwch â thîm grantiau CGGC.

## AMSERLEN A PHROSES AR GYFER DYFARNIADAU

Cam	Dyddiad	Manylion
Cynllun grant ar agor am geisiadau	11 Mawrth 2024	Mae'r broses ar gyfer ceisiadau cyllido yn fyw ar Borth Ymgeisio Amlbwrpas pwrpasol CGGC ( <a href="#">MAP</a> ).
Dyddiad cau cyntaf ar gyfer cyflwyno	15 Ebrill 2024	Ni fydd modd cyflwyno ceisiadau ar ôl y dyddiad cau hwn.
Cyfarfod Panel	Mai 2024	Cymeradwyo ceisiadau a fydd yn cael eu cyllido yn ffurfiol.
Rhoi gwybod i ymgeiswyr	Mai 2024	Llythyrau cynnig grant yn cael eu hanfon at geisiadau llwyddiannus.
Dyddiad dechrau cynharaf prosiectau	27 Mai 2024	

## **PWY SY'N GALLU MANTEISIO AR Y GRONFA?**

### **Er mwyn bod yn gymwys, mae'n rhaid i chi:**

- Fod yn gorff corfforedig wedi'i leoli yng Nghymru ac yn gweithredu er budd pobl Cymru
- Cael dogfennau llywodraethu sy'n cynnwys clo asedau priodol a rheolaeth dosbarthu difidend
- Bod â'r gallu i ddangos trosolwg ac annibyniaeth briodol o Fwrdd cymwys â chworwm sydd ag o leiaf tri chyfarwyddwr neu ymddiriedolwr
- Cael safonau polisi lleiaf priodol ar waith (ee diogelu).

### **Bydd angen i ymgeiswyr hefyd sicrhau bod eu sefydliad yn bodloni'r meini prawf canlynol:**

- Rhaid i'r prif ymgeisydd **fod yng Nghymru**
- Dylai'r holl weithgareddau ddangos budd amlwg i Gymru
- Dylai ceisiadau ddangos yn glir eu bod yn cyd-fynd ag un neu ragor o'r pedwar maes thematig
- Dylai ymgeiswyr â phrofiad blaenorol o gyflawni gweithgareddau a gyllidir gan grantiau o Raglen Cymru ac Affrica ddangos effaith y prosiect hwn ac unrhyw wersi a ddysgwyd
- Ni all unigolion ymgeisio; fodd bynnag, gallent wneud cais drwy fudiad derbyn, y mudiad fydd yn dal y cytundeb grant ac ni fydd unrhyw daliadau uniongyrchol yn cael eu gwneud o gynllun grantiau Cymru Affrica i gyfrif banc unigolyn
- Bydd popeth perthnasol a brynir gyda chyllid cynllun grantiau Cymru ac Affrica yn ystyried meini prawf moesegol a Masnach Deg

Gall y cynllun grantiau gael ei gyrchu gan grwpiau yng Nghymru sy'n cydweithio â phartneriaid o Affrica i gyflwyno ystod amrywiol o weithgareddau, gan gynnwys:

- Meithrin gallu mudiadau datblygu rhyngwladol bach anllywodraethol yng Nghymru
- Hyrwyddo gwirfoddoli datblygu rhyngwladol
- Hyrwyddo arferion gorau mewn masnach deg a chaffael moesegol ar draws pob sector
- Hwyluso gwaith cymunedau ar wasgar yng Nghymru i gael cymaint â phosibl o effaith ar gyflenwi nodau datblygu cynaliadwy yn eu mamwlad.
- Prosiectau iechyd

- Prosiectau a gaiff eu rhedeg ar gyfer a chan bobl ag anableddau

Mae ceisiadau ar agor i fudiadau cyfansoddiadol yng Nghymru, gan gynnwys:

- Grŵp cyfansoddiadol
- Elusen gofrestredig
- Cwmni Buddiannau Cymunedol
- Sefydliad Corfforedig Elusennol
- Cwmni cyfyngedig drwy warant
- Cwmni cyfyngedig preifat
- Cyngor Cymuned
- Cyngor Tref
- Awdurdod Lleol

Os nad ydych chi'n siŵr a yw eich mudiad yn ffitio'r meini prawf hyn, neu os oes gennych chi gwestiynau cyffredinol, cysylltwch ag [WalesAfricaGrants@wcva.cymru](mailto:WalesAfricaGrants@wcva.cymru).

## **RHESTR WIRIO CYN YMGEISIO**

Cyn gwneud cais i'r gronfa, gwnewch yn siŵr eich bod yn gallu cyflwyno'r dogfennau canlynol i gefnogi'ch cais am gyllid:

- Dogfennau cyfansoddiad/llywodraethu eich mudiad.
- Copi o ddatganiadau ariannol diweddaraf neu gyfrifon archwiliedig blynyddol eich mudiad.
- Tystiolaeth o gyfrif banc y mudiad.
- Copi wedi'i lofnodi o God Ymddygiad Cymru ac Affrica, y gellir ei lawrlwytho [yma](#).
- Copi o Bolisi Amgylcheddol eich mudiad.
- Copi o Bolisi Cyfle Cyfartal eich mudiad. (Os nad oes gennych chi Bolisiau Cyfle Cyfartal ac Amgylcheddol, mae datganiadau o fwriad y mae'n rhaid i'ch mudiad eu llofnodi, a gellir lawrlwytho'r rhain [yma](#)).
- Copi o Bolisi Diogelu eich mudiad – Gall Hub Cymru Africa eich cynorthwyo i ddatblygu'r polisi hwn (Rhaid i bolisiau diogelu fod yn addas i'r diben. Os gwelir wrth edrych ar y rhain bod angen eu diweddarau/diwygio, byddwch chi'n cael gwybod. **Ni fydd cais yn cael ei gymeradwyo i'r panel heb bolisi Diogelu digonol**) Gall [Hub Cymru Africa](#) eich helpu i ddatblygu polisi diogelu mewn cyd-destun datblygu

rhyngwladol neu gweler y canllawiau:

<https://thirdsectorsupport.wales/cy/adnoddau/polisi-diogelu-canllawiau/>

<https://hubcymruafrica.wales/safeguarding/>

- Tystiolaeth o gyllid cyfatebol – os bydd eich prosiect yn defnyddio cyllid o ffynonellau lluosog, bydd angen i ymgeiswyr llwyddiannus ddarparu cadarnhau o gyllid cyfatebol cyn y bydd y taliad grant cyntaf yn cael ei ryddhau.

## YMATEB I COVID- 19

Mae pandemig COVID-19 yn parhau i effeithio ar gymunedau ledled y byd, ac mae cynllun grantiau Cymru ac Affrica yn croesawu ceisiadau a fydd yn helpu i liniaru effeithiau'r feirws. Dylai'r angen am weithgarwch gael ei nodi gyda phartner-fudiadau a dylid sicrhau bod rheolau'r wlad yn cael eu dilyn. Y sawl y dyfernir y grant iddo sy'n gyfrifol am sicrhau ei fod yn gwybod y diweddaraf am yr holl ganllawiau statudol yn y wlad y mae'n gweithio ynddi ac am sicrhau bod ei fudiad, neu unrhyw un sy'n cyfrannu at ei brosiect, yn eu dilyn. Os ydych chi'n gweithio gyda phartner o Affrica, cyfrifoldeb deiliad y grant yw sicrhau bod rheolau'r wlad yn cael eu dilyn ac nad oes unrhyw un yn cael ei roi mewn mwy o berygl o ganlyniad i gymryd rhan yn y prosiect a gyllidir.

Mae Iechyd Cyhoeddus Lloegr wedi cyhoeddi adnoddau ar gyfer ymgyrch codi ymwybyddiaeth o COVID-19 [yma \(Saesneg yn unig\)](#). Mae gan Sefydliad Iechyd y Byd (WHO) ganllawiau technegol ar gyfathrebu risg ac ymgysylltu â chymunedau [yma \(Saesneg yn unig\)](#). Efallai y bydd ymgeiswyr eisiau dod o hyd i adnoddau cenedlaethol perthnasol ar fformatau ac ieithoedd wedi'u targedu at grwpiau amrywiol o'r boblogaeth.

## THEMÂU'R GRANT

Bydd prosiectau'n cael eu dyfarnu o dan un o'r pedwar maes thematig canlynol:

### 1. Iechyd

Rydym yn ceisio cyfrannu at y gwaith o ddiogelu iechyd a llesiant meddyliol a chorfforol cymunedau yn Affrica drwy ein grantiau. Gallai enghreifftiau o hyn gynnwys:

- Cefnogi'r gwaith o rannu gwybodaeth a sgiliau rhwng sefydliadau iechyd yng Nghymru ac Affrica fel bod y ddwy ochr yn dysgu ac yn cael budd;

- Cynorthwyo gweithwyr gofal iechyd proffesiynol yn Affrica i gael ychydig o hyfforddiant a chymorth gan Gymru; a
- Chynorthwyo cymunedau yng Nghymru ac Affrica i gael gafaél ar ofal iechyd mwy cyfartal o ansawdd

## **2. Dysgu Gydol Oes**

O dan Dysgu Gydol Oes, byddwn ni'n cynorthwyo unigolion neu grwpiau o bobl ifanc neu oedolion yng Nghymru a/neu Affrica i ennill sgiliau a gwybodaeth. Gall enghreifftiau o hyn gynnwys:

- Cysylltu cymunedau yng Nghymru gyda phartneriaid yn Affrica er mwyn datblygu cyd-ddealltwriaeth o ddatblygiadau byd-eang a materion rhyngwladol;
- Cefnogi anghenion addysgol plant dan anfantais yn Affrica a rhannu'r profiad hwnnw gyda disgyblion ysgol yng Nghymru, gan gyfrannu at eu haddysg ddinasyddiaeth fyd-eang; a
- Chynorthwyo pobl yn Affrica i ddysgu sgiliau ymarferol / galwedigaethol / artistig er mwyn gwella eu bywoliaeth.

## **3. Y Newid yn yr Hinsawdd a'r Amgylchedd**

O dan ein ffrwd grant newid yn yr hinsawdd a'r amgylchedd, byddwn yn cefnogi mentrau sy'n lleihau dirywiad amgylcheddol a cholli bioamrywiaeth yn Affrica yn ogystal â gwaith strategol ac ymarferol i leihau allyriadau nwyon tŷ gwydr ac i amddiffyn pobl rhag effeithiau'r newid yn yr hinsawdd ar gyflenwadau bwyd, y dŵr sydd ar gael neu ddiogelwch. Gallai enghreifftiau o hyn gynnwys:

- Gweithgareddau sy'n cynorthwyo ffermwyr yn Affrica i addasu i hinsawdd sy'n newid;
- Prosiectau sy'n galluogi'r defnydd o ynni adnewyddadwy yn Affrica;
- Prosiectau sy'n ymhél pobl yng Nghymru â materion newid hinsawdd fel y maen nhw'n effeithio ar Affrica; neu
- Waith sy'n ceisio cynorthwyo partneriaid yn Affrica i roi arferion datblygu cynaliadwy ar waith

## **4. Bywoliaeth gynaliadwy**

Rydyn ni'n ceisio hybu cyfleoedd bywoliaeth realistig a chynaliadwy yng Nghymru ac Affrica, gan sicrhau bod unigolion wedi'u hymyleiddio yn cael eu cynnwys mewn datblygiadau economaidd a chymdeithasol llawr gwlad. Mae'r mentrau rydyn ni'n eu cefnogi yn cynnwys:

- Mentrau cydweithredol sy'n cynhyrchu incwm ac sy'n cael eu harwain gan y gymuned sy'n cyflwyno budd i Gymru ac Affrica;
- Ymgysylltu â'r cyhoedd drwy ymgyrchoedd Masnach Deg, eiriolaeth neu bolisi;
- Gweithgareddau sy'n dod â'r defnyddiwr yn agosach at y cynhyrchydd mewn modd cynaliadwy;
- Cymorth i brosiectau a gweithgareddau amaethyddol bach; a
- Chymorth i weithgareddau cynhyrchu incwm llawr gwlad.

## **NI FYDD CYNLLUN GRANT CYMRU AC AFFRICA YN CYLLIDO'R CANLYNOL**

- Gweithgareddau crefyddol – gall grwpiau crefyddol wneud cais, ond ni fydd y cynllun yn cyllido unrhyw weithgaredd ag elfen dybiedig o genhadu.
- Teithiau/cyfnewidiadau ysgol – cyfnewidiadau athrawon a fyddai'n fwy addas i gael cyllid o dan raglen Cysylltu Dosbarthiadau'r 'British Council'
- Mentrau preifat er elw

## **TEITHIO RHYNGWLADOL**

Mae canllawiau Llywodraeth Cymru ar deithio rhyngwladol wedi newid yn ddiweddar, felly gan hynny, gall Cynllun Grant Cymru ac Affrica gyllido gweithgareddau sy'n gofyn am deithio rhyngwladol unwaith eto. Er y byddwn ni'n ceisio bod mor hyblyg â phosibl, dylid bod yn ofalus wrth gynllunio gweithgaredd sy'n cynnwys teithio; gan gynnwys prynu tocynnau teithio hyblyg lle'n bosibl a sicrhau bod y lefel briodol o yswiriant yn cael ei phrynu.

Os bydd y cyngor yn newid a chyfyngiadau'n cael eu gosod ar deithio eto, dylai unrhyw fudiad neu wirfoddolwr sy'n rhan o brosiect Cymru Affrica a gyllidir ddilyn y canllawiau hyn ar unwaith. Ni fydd unrhyw gostau yr eir iddynt o ganlyniad i beidio â dilyn y canllawiau yn cael eu had-dalu drwy'r cynllun. Ni fydd costau cwarantyn yn wariant cymwys ar brosiect Cymru ac Affrica a gyllidir.

## **TARGEDAU AC ALLBYNNAU**

Yn y proffil prosiect, bydd gofyn i chi osod targedau ac allbynnau y gallwch chi fesur llwyddiant eich prosiect yn eu herbyn. Mae rhywfaint o wybodaeth yr ydym yn disgwyl i'r holl brosiectau ei darparu ac i osod targedau ar ei chyfer; y rhain yw **targedau cyffredinol y cynllun**. Bydd gofyn i chi hefyd broffilio



**targedau thema benodol** ar gyfer o leiaf un thema. Dylech ddewis proffilio'r thema sy'n fwyaf perthnasol i'ch gweithgaredd, ond os oes targedau thema eraill y mae eich prosiect hefyd yn eu cyflawni, yna mae croeso i chi ddarparu targedau ychwanegol.

Cynghorir ymgeiswyr i fod yn realistig wrth osod targedau eu prosiect. Bydd angen i'r targedau a osodir gennych allu cael eu croesgyfeirio'n hawdd â rhan naratif y ffurflen gais am gyllid.

## **GWARIANT CYMWYS**

Bydd cynllun grantiau Cymru ac Affrica yn cyllido costau cyfalaf a refeniw, nid oes cymhareb ofynnol. Dyma enghraifft o gostau cymwys:

- Cyflogau staff
- Gellir cynnwys 15% ychwanegol at gyfanswm costau cyflogau'r staff yn eich costau prosiect i dalu am orbenion fel cyfleustodau a chostau rhedeg, lle y bo'n berthnasol
- Cyfarpar ac offer pan fydd yn amlwg bod eu hangen ar gyfer y prosiect
- Deunyddiau cyhoeddusrwydd
- Llogi lleoliad, llogi stondinau, ffioedd digwyddiadau
- Costau hyfforddi

## **CYLLID CYFATEBOL**

Er nad yw cyllid cyfatebol yn un o ofynion penodol y cynllun, gellir ei ddefnyddio i gefnogi prosiectau ehangach ochr yn ochr â ffynonellau eraill o gyllid. Os yw ymgeisydd wedi sicrhau cyllid cyfatebol ar gyfer gweithgarwch ei brosiect, gellid edrych yn ffafriol ar hyn mewn asesiad. Gellir cynnwys cyllid cyfatebol mewn nwyddau yng nghyllideb eich prosiect, a gallai enghreifftiau o hyn gynnwys gwaith, nwyddau, deunyddiau neu wasanaethau a ddarperir fel rhodd i'r prosiect gan ddarparwr arall.

Gellir hefyd cynnwys oriau gwirfoddolwyr yng nghyllideb y prosiect. Gellir cael y cyfraddau tybiannol i wirfoddolwyr ar gyfer gwahanol rolau prosiect yr ymgymeryr â nhw gan Arolwg Blynyddol y DU o Oriau ac Enillion (ASHE). Bydd y gyfradd leiaf i wirfoddolwyr yn cael ei gosod ar £9.90 yr awr er mwyn cydfynd â [Chyflog Byw Gwirioneddol y DU \(Saesneg yn unig\)](#). Parwch rolau eich gwirfoddolwyr â'r gyfradd fwyaf perthnasol:

Gwirfoddolwr cyffredinol (Cyflog Byw)      9.90



Hyfforddwr	14.44
Gweinyddwr Prosiect	10.65
Ymchwiliwr Prosiect	16.85
Cydlynnydd Prosiect	14.42
Rheolwr Prosiect	22.49

Defnyddiwch y rhain fel cyfraddau'r awr i gyfrifo cyfraniad amser gwirfoddolwyr. Dylai pob gwirfoddolwr gael disgrifiad o'r rôl y mae'n ei gyfrannu at y prosiect. Efallai y bydd angen i brosiectau gyflwyno tystiolaeth o hyn drwy wirfoddoli.

## **DIOGELU**

Er mwyn cryfhau arferion Diogelu, un o'r amodau i gymeradwyo grant yw bod gofyn i bob derbynnydd grant gynnwys arweinyddion Diogelu hyfforddedig penodol. Mae'r amodau ar gyfer derbyn grant bach o dan y cynllun wedi'u diwygio i gynnwys gofyniad ar bob asiantaeth neu grŵp sy'n derbyn grant i wneud y canlynol:

- Darparu Polisi Diogelu cymeradwy (anfonwch hwn gyda'ch cais)
- Sicrhau bod yr holl gynrychiolwyr o fewn y derbynnydd grant yn ymwybodol o'r polisi a'i ofynion ac wedi cael sesiwn gynefino/hyfforddiant ar hwn
- Dynodi cynrychiolydd fel Arweinydd Diogelu sy'n gyfrifol am dderbyn pryderon diogelu, adrodd ymlaen o dan y weithdrefn gytunedig, cysylltu ag CGGC ac ymateb yn briodol i bryderon. Bydd angen i'r unigolyn dynodedig gwblhau hyfforddiant diogelu gorfodol ar-lein gyda Hub Cymru Africa

Mae dyletswyddau'r unigolyn hwnnw wedi'u hamlinellu yn y llythyr cynnig grant ar gyfer ymgeiswyr llwyddiannus. Yn gryno, mae'r unigolyn hwnnw'n gyfrifol am:

- Dderbyn a chofnodi adroddiadau ar bryderon Diogelu
- Adrodd y pryder hwnnw i swyddog priodol CGGC
- Cysylltu ag CGGC ar sail meini prawf CGGC er mwyn sicrhau ymateb a dilyniant priodol
- Bydd gofyn bod yr arweinydd diogelu wedi cwblhau Hyfforddiant Diogelu sy'n cynnwys:
- Eglurhad o risgiau a dangosyddion pryderon diogelu
- Eglurhad o'r meini prawf ar gyfer pryder Diogelu y gellir ei adrodd

- Eglurhad o'r ystyriaethau a'r weithdrefn sy'n gysylltiedig â llunio adroddiad
- Eglurhad o'r meini prawf a'r broses y dylai'r derbynnydd grant a CGGC eu dilyn wrth ymateb i bryder diogelu a adroddwyd

## **Y BROSES YMGEISIO**

Er mwyn gwneud cais i Grantiau Cymru ac Affrica, bydd angen i chi gofrestru gyda Phorth Ymgeisio Amlbwrpas CGGC (MAP). Os ydych chi wedi cofrestru gyda MAP o'r blaen, gallwch fewngofnodi drwy nodi eich enw defnyddiwr a chyfrinair ar y sgrin hafan.

Gall mudiadau gofrestru drwy fynd i'r wefan: [map.wcva.cymru](http://map.wcva.cymru)

Unwaith byddwch chi wedi cofrestru gyda MAP, byddwch chi'n gallu gwneud cais am unrhyw gyfleoedd cyllido a weinyddir gan CGGC.

Darperir canllawiau ar gyfer pob un o'r cwestiynau a bydd ceisiadau'n cael eu hasesu yn erbyn pa mor agos ydynt at fodloni blaenoriaethau'r cynllun a pha mor dda fyddant yn mynd i'r afael â'r manylion a roddwyd. Bydd sgorau'n cael eu dyfarnu yn ôl pa mor dda mae'r cais yn rhoi sylw i'r canllawiau; bydd argymhellion yn cael eu cyflwyno wedyn i Lywodraeth Cymru, a fydd yn gwneud y penderfyniadau cyllido terfynol.

Er y bydd ansawdd y cais ysgrifenedig yn arwain sgôr rhifyddol y ffurflen gais, bydd ffactorau eraill yn cael eu hystyried wrth benderfynu ar ddyfarniadau cyllid, gan gynnwys y budd i Gymru a chwmpas daearyddol prosiectau, a barn y panel ar y gwahaniaeth cyffredinol y bydd y prosiect yn ei wneud yn yr hyn y mae'n ceisio'i gyflawni.

## **TALU GRANTIAU**

Ar gyfer grantiau o dan £10,000, bydd 100% o'r cyllid yn cael ei dalu ar ddechrau'r prosiect. Bydd grantiau o £10,000 neu fwy yn derbyn 80% ymlaen llaw pan fydd y prosiect yn dechrau, a bydd yr 20% sy'n weddill yn cael ei dalu pan gyflwynir adroddiad prosiect terfynol boddhaol. Mae CGGC yn cadw'r hawl i hawlio'r arian yn ôl ar ran Llywodraeth Cymru os na fydd y derbynnydd yn dilyn y gofynion monitro ac adrodd. Amlinellir hyn yn y telerau ac amodau grant a gyflwynir i ymgeiswyr llwyddiannus.

Derbynnir ceisiadau am brosiectau olynol. Bydd angen adroddiadau monitro bob 6 mis wrth i'r prosiect fynd yn ei flaen, yn unol â gofyniad o'r grant.

### **CANLLAWIAU A CHYMORTH PELLACH**

I gael unrhyw ganllawiau pellach, cysylltwch ag [walesafricagrants@wcva.org.uk](mailto:walesafricagrants@wcva.org.uk) neu ffoniwch 0300 111 0124

Gall ymgeiswyr sy'n chwilio am gyngor ar wella ansawdd eu ceisiadau ar gyfer y cynllun grant hwn neu gynlluniau grant eraill, neu gyngor ar wella ansawdd ac effaith eu gwaith gysylltu â Hub Cymru Africa yn [advice@hubcymruafrica.org.uk](mailto:advice@hubcymruafrica.org.uk) neu ffonio 02920 821057.

Mae croeso i ymgeiswyr gysylltu â'r tîm Cymru ac Affrica i drafod eu cynigion ar unrhyw adeg. E-bost: [WalesforAfrica@gov.wales](mailto:WalesforAfrica@gov.wales) Ffôn: 03000 251670

<b>Meysydd thematig</b>	<b>Enghreifftiau o weithgareddau</b>	<b>Targedau'r cynllun</b> (sy'n berthnasol i'r holl feysydd thematig)	<b>Targedau lefel prosiect</b> (sy'n benodol i'r maes thematig a ddewiswyd)	<b>Cyfraniadau at Nodau Datblygu Cynaliadwy</b>	<b>Cyfraniadau at Ddeddf LICD</b>
<b>1. Iechyd</b>	<ul style="list-style-type: none"> <li>• Cefnogi'r gwaith o rannu gwybodaeth a sgiliau rhwng sefydliadau iechyd yng Nghymru ac Affrica fel bod y ddwy ochr yn dysgu ac yn cael budd;</li> <li>• Cynorthwyo gweithwyr gofal iechyd proffesiynol yn Affrica i gael mynediad at ychydig o hyfforddiant a chymorth; a</li> <li>• Cynorthwyo cymunedau yng Nghymru ac Affrica i gael mynediad at ofal iechyd mwy cyfartal, o ansawdd</li> </ul>	<p>Nifer y cymunedau sy'n gysylltiedig yn Affrica i gefnogi'r gwelliant yn eu llesiant</p> <p>Nifer yr unigolion sy'n gysylltiedig yn uniongyrchol i gefnogi eu llesiant</p>	<p>Nifer y gweithwyr gofal iechyd proffesiynol sy'n cael cymorth yn Affrica</p> <p>Nifer y bobl sy'n cael cymorth i gael mynediad at ofal iechyd mwy cyfartal, o ansawdd (yng Nghymru ac Affrica)</p>	<p>Bydd angen i chi adrodd ar gynnydd y cyfraniadau fel y nodwyd yn eich ffurflen gais gymeradwy a chyfraniadau ychwanegol os ydynt yn berthnasol (Ansoddol yn y cais a monitro) Nodau 1-17</p>	<p>Bydd angen i chi adrodd ar gynnydd y cyfraniadau fel y nodwyd yn eich ffurflen gais gymeradwy a chyfraniadau ychwanegol os ydynt yn berthnasol (Ansoddol yn y cais a monitro) Nodau 1-17</p>
<b>2. Dysgu Gydol Oes</b>	<ul style="list-style-type: none"> <li>• Cysylltu cymunedau yng Nghymru gyda phartneriaid yn Affrica er mwyn datblygu cyd-ddealltwriaeth o ddatblygiadau byd-eang a materion rhyngwladol;</li> <li>• Cefnogi anghenion addysgol plant dan anfantais yn Affrica a</li> </ul>	<p>Nifer y cysylltiadau a sefydlwyd rhwng cymunedau yng Nghymru ac Affrica.</p> <p>Nifer y gwirfoddolwyr o Gymru sy'n cymryd rhan yng ngweithgareddau'r prosiect</p>	<p>Nifer o gymunedau a gysylltwyd yng Nghymru ac Affrica</p> <p>Nifer y plant ysgol o Gymru sy'n gysylltiedig</p> <p>Nifer y plant yn Affrica sydd wedi'u</p>		

	<p>rhannu'r profiad hwnnw gyda disgyblion ysgol yng Nghymru, gan gyfrannu at eu haddysg fyd-eang; a</p> <ul style="list-style-type: none"> <li>Chynorthwyo pobl yn Affrica i ddysgu sgiliau ymarferol / galwedigaethol / artistig er mwyn gwella'u bywoliaeth (e.e. theatr a dawns, TG a gwaith coed).</li> </ul>	<p>Nifer y bobl o gymunedau yng Nghymru sy'n cefnogi'r prosiect trwy roddion, digwyddiadau a fynychwyd ac ati</p> <p>Nifer y mudiad sydd wedi'u cryfhau neu eu grymuso o ganlyniad i weithio mewn partneriaeth</p> <p>Nifer y</p>	<p>cefnogi â'u hanghenion addysgol</p> <p>Nifer y bobl sydd wedi'u cynorthwyo i wella eu sgiliau (Cymru ac Affrica)</p>		
<b>3. Y Newid yn yr Hinsawdd a'r Amgylchedd</b>	<ul style="list-style-type: none"> <li>Gweithgareddau sy'n cynorthwyo ffermwyr yn Affrica i addasu i hinsawdd sy'n newid;</li> <li>Prosiectau sy'n galluogi ynni adnewyddadwy i gael ei ddefnyddio yn Affrica;</li> <li>Prosiectau sy'n ymhél pobl yng Nghymru â materion newid hinsawdd fel y maen nhw'n effeithio ar Affrica; neu</li> <li>Gwaith sy'n ceisio cynorthwyo partneriaid yn Affrica i</li> </ul>	<p>Nifer y digwyddiadau/sesiynau a gyflwynwyd (nifer y bobl a fynychodd? – yng Nghymru neu Affrica)</p> <p>Beth sy'n ymarferol i'w gofnodi gan Bartneriaid yn Affrica?</p>	<p>Nifer y ffermwyr yn Affrica a gaiff eu cynorthwyo i addasu i'r newid yn yr hinsawdd</p> <p>Nifer y cymunedau a gefnogir i ddefnyddio ynni adnewyddadwy</p> <p>Nifer yr unigolion sy'n gysylltiedig â lleihau effaith y newid yn yr hinsawdd</p>		

	roi arferion datblygu cynaliadwy ar waith				
<b>4. Bywoliaeth Gynaliadwy</b>	<ul style="list-style-type: none"> <li>• Mentrau cydweithredol sy'n cynhyrchu incwm a arweinir gan y gymuned sydd o fudd i Gymru ac Affrica;</li> <li>• Ymhél â'r cyhoedd drwy ymgyrchoedd Masnach Deg, eiriolaeth neu bolisi;</li> <li>• Gweithgareddau sy'n dod â'r defnyddiwr a'r cynhyrchydd yn agosach mewn modd cynaliadwy;</li> <li>• Cymorth i brosiectau a gweithgareddau amaethyddol bach; a</li> <li>• Chefnogi gweithgareddau cynhyrchu incwm llawr gwlad e.e. celfyddydau a chrefft.</li> </ul>		<p>Nifer o fentrau cydweithredol cymunedol a gefnogir</p> <p>Nifer o fentrau cydweithredol cymunedol a sefydlwyd</p> <p>Nifer y bobl y cysylltwyd â nhw drwy ymgyrch Masnach Deg</p> <p>Nifer yr unigolion a gefnogwyd i wneud eu bywoliaeth yn fwy cynaliadwy</p>		